



**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per  
sensus attinguntur, animæque potentiis se objiciunt

**Limpens, Ferdinand**

**Coloniæ Agrippinæ, 1744**

De cultu Angelorum, etiam Angeli Custodis cuilibet homini assignati.

---

---

**Nutzungsbedingungen**

[urn:nbn:de:hbz:466:1-54773](#)

quentius Divinæ supplicamus Majestati. Circa orationis numerum habemus in S. Script. multifaria exempla, David septies de die laudem dixit Domino Ps. 11. Daniel ter in die orabat. Dan. 4. Esdras cum universo populo quater in die & quater in nocte orabat Dominum Ed. 1. Scriptura S. [ut videbimus infra] inculcat nobis beneficia ab Angelis, hominibus præstata, vultque nos aliorum hominum apud Deum patrocinium querere, & si verbum Dei desuper scriptum non esset. Nunquid si sanam rationem sequi velim, deferre debeo plus antiquæ Ecclesiæ universalis praxi & tot sanctis prudenterissimis juxta ac doctissimis viris SS. Ecclesiæ Doctoribus, universalibus Conciliis, quam uni Calvinus antiquas hæreses recoquenter, & Deum ac Cælites inhonoranti? dum Deum auctorem peccati facit, Christum in cruce desperasse, tormenta damnatorum in inferno sustinuisse, & in horto Gethsemani jam tum eas pati cepisse dicit l. 2. instit. c. 16. & l. 3. institutionum c. 25. animas Beatorum ne cum frui promissa gloriâ, sed omnia usque ad adventum Christi adhuc manere in suspenso, & lib. 1. instit. c. 3. beatos Angelos non sincerè nec absque peccato inservire Deo calumniatur.

*De cultu Angelorum, etiam Angeli Custodis cui-  
libet homini assignati.*

**R**EFORMATI identidem oggerunt Angelum Apoc. 22. recusasse adorationem & hono-

56      *Pars secunda de elevatione*  
tem sibi à Joanne exhibitum , eò quòd conser-  
vus ejus esset , sed jam dudum respondit Aug.  
contra Faustum c. 21. & quæst. 62. in gen. quod  
Joannes putârit Angelum tam augustâ sibi Ma-  
jestate apparentem esse filium Dei , quod si , ut  
alii hunc textum explicant , scivit esse Ange-  
lum , honorem ei debitum cultu duliæ exhibe-  
re voluit , quem tamen Angelus à Joanne tota  
Christo prærogativis ornato recipere noluit.  
Cæterùm Josue obvium sibi Angelum tenentem  
gladium evaginatum soluto de pedibus calce-  
mento adoravit Jos V. & Jacob Gen. 32. ab An-  
gelo benedictionem petiit , & Gen. 48. oravit;  
ut Angeli benedictio super filios nepotes & uni-  
versam suam posteritatem diffundatur. Ad hæc  
adoratio in Script. non semper significat latræ  
cultum , Abraham adoravit filios Heth Gen. 31  
& Gen. 18. adoravit in terram tres viros stan-  
tes propè eum. Idem fecit Loth Gen. 19. &  
postmodum id adhuc magis fecerunt adverten-  
tes eos esse Angelos , & Dei gerentes vices ra-  
tione excidii Sodomæ : quomodo rō adorare  
non semper significet cultum soli Deo debitum.  
V. ulterius in Ep. Tarasii Episc. Constantinop.  
apud Menil. l. 35. Doct. & Displ. Eccl. Pag. 600.  
Et cur non honor debitus exhiberetur Angelis  
tanquam intercessoribus apud Deum pro homi-  
nibus , & totiis beneficia conferentibus ? nun-  
quid obvia desuper exempla sunt in Script. cum  
Loth Gen. 19. Angelum , à quo eductus fuerat  
cum suis è Sodomis , pro incolumitate turbis Se-  
gor deprecaretur , & ipse respondit : Ecce

*etiam*

etiam in hoc suscep*i* preces tuas, ut non subvertam urbem, pro qua locutus es. Sic Zach. 1. Angelus orat pro populo Iudaico dicens: *Domine exercituum, quoniam non misereberis Hierusalem, & urbium Iuda, quibus iratus es?* Et Tob. 12. Raphael seniori dicebat Tobiae: quando orabas cum lacrymis, & sepeliebas mortuos, & derelinquens prandium tuum mortuos abscondebas per diem in domo tua, & nocte sepeliebas eos, ego obtuli orationem tuam Domino. Sic Apoc. 8. Angelus dat super altare aureum de orationibus Sanctorum, & si Christus non voluit contemni ullum pusillum ob Angelum ejus Custodem; quomodo non ipsos vult honorari Angelos? Ne contemnatis dicit Matth. 18. *unum ex his pusillis, dico enim vobis, quoniam Angeli eorum in celis semper vident faciem Patris mei.* Ergo præterquam quod ab hominibus ob beneficia, quæ iis præstant, honorari debeant, etiam ideò teste Christo colendi sunt, quod visione Dei perfruantur intimaque amicitia. Calvinus in Ps. 90. & in comment. in Acta Apost. fabulosum esse ait, quod unicuique detur Angelus Custos, sed imprimis pusilli, de quibus loquebatur Christus, habebant suos Angelos. Si hi, cur non & alii? certè Hieron. 13. comment. in c. 18. Matth. inde idem inferens exclamat: *Magna dignitas animarum, ut unaquaque habeat ab ortu nativitatis in custodiā sui Angelum delegatum.* Qualis desuper fuerit primorum Christianorum sive Iudæorum in Christum statim ab ejus in cœlum ascensu credentium sensus, patet ex c. 12.

¶ Pars secunda de elevatione

Act. ubi legitur , quod Petrus agnoverit se ab Angelo ex carcere eductum , & quod, cum pulsaret januam , primò aliqui non crediderint esse Petrum , sed dixerint : *Angelus ejus est.* Inde Chrysost. aliique PP. rectè denuò ingentunt , communem semper fuisse opinionem fidelium , cuique homini à prima nativitate Custodem Angelum Cælitibus adjungi ; imò & tunc modò persuasionem fuisse multis ex post historiis confirmatam , quod Custodes Angeli clientum suorum subinde speciem vel personam induant , quod Angeli etiam in figura humana homines Deo caros protegant , alia prætereundo , patet ex lib. 2. Machab. c. 10. ubi legis sequentia : *Cum vehemens pugna esset , apparuerunt adversariis de caelo viri quinque in equis frænis auriculati ducatum Iudeis præstantes , ex quibus duo Machabæum medium habentes armis suis circumseptum incolumem conservabant , in adversarios autem tela & fulmina jaciebant. Interfelli sunt autem viginti millia quingenti & equites sexcenti. Sic l. 4. Reg. c. 19. Angelus Domini percussit in castris Assyriorum centum octoginta quinque millia in una nocte.* Ergo Script. ratio sensus communis omnium fidelium nil clamat aliud , quam Angelos colendos esse , ut Dei amicos & nostros parronos.

De Cultu Sanctorum.

**Q**uia Christus Matth. 22. dicit beatos futuros sicut Angelos , & Matth. 25. vocat illos bene-